

CONVOCATORIA DE BOLSAS 2019/2020 PARA ESTUDANTES CON NECESIDADES EDUCATIVAS ESPECIAIS

CORRECCIÓN DE ERROS

Na convocatoria que se publicou no taboleiro de anuncios da Sede electrónica da Universidade da Coruña o 09/09/2019, omitiuse a lexislación sobre protección de datos.

Publicase de novo a convocatoria co texto íntegro.

Esta corrección non modifica o importe máximo das axudas nin renova o prazo de presentación de solicitudes que rematou o 11/10/2019.

Ferrol, 21 de outubro de 2019

O reitor

Julio E. Abalde Alonso

CONVOCATORIA DE BOLSAS 2019 / 2020 PARA ESTUDANTES CON NECESIDADES EDUCATIVAS ESPECIAIS

A Universidade da Coruña convoca **20 bolsas** en réxime de concorrência competitiva, para estudantes con necesidades educativas especiais matriculados nos centros da Universidade da Coruña. A presente convocatoria, que conta cun orzamento de 21.540 euros, axústase ao disposto na Lei 39/2015, de 1 de outubro do procedemento administrativo común das administracións públicas; a Lei 38/2003, do 17 de novembro, xeral de subvencións; Bases de execución do orzamento da Universidade da Coruña para o exercicio 2019, en canto resulte de aplicación, e a Lei orzamentaria.

OBXECTO DAS BOLSAS

O obxecto das bolsas é a promoción e o apoio ao estudo de todos aqueles estudantes da Universidade da Coruña con necesidades educativas especiais que teñan recoñecida legalmente a condición de minusvalía. Preténdese deste xeito apoiar o/a estudante cunha contía económica que lle permita afrontar mellor os problemas cotiáns (barreiras de comunicación, dificultades no desprazamento á universidade ou na utilización de materiais de traballo, etc.) que supoñen importantes obstáculos para o normal desenvolvemento e aproveitamento da actividade académica.

CONDICIÓNS DAS PERSOAS SOLICITANTES

1. Estar matriculado/a no curso 2019/2020 na Universidade da Coruña, nunha titulación oficial (Diplomatura, Licenciatura, Terceiro Ciclo, Grao, Mestrado).
2. Ter recoñecida legalmente a condición de minusvalía.

FORMA E PRAZO PARA A PRESENTACIÓN DAS SOLICITUDES

A formalización das solicitudes deberase facer mediante instancia oficial (Anexo I). O prazo de presentación de solicitudes será o comprendido entre o día da publicación da presente convocatoria no Taboleiro de Anuncios da sede electrónica da UDC e o **11 de outubro do 2019**, ata as 14:00 horas. As solicitudes entregaranse no Rexistro Xeral da Universidade da Coruña (Rúa da Maestranza, 9 15001 A Coruña) ou nos Rexistros Auxiliares: Campus da Zapateira, 15071 A Coruña, Campus de Ferrol, Avda. de Vigo s/n, Esteiro, 15403 Ferrol.



PROCEDIMENTO E CRITERIOS PARA A CONCESIÓN DAS BOLSAS

Os criterios de concesión da bolsa serán os resultantes de avaliar:

1. O tipo e alcance da minusvalía acreditada.
2. O grao de interferencia desta no axeitado desenvolvemento das actividades académicas.
3. O expediente académico do estudante.
4. A súa situación económica
5. O contar con outras bolsas, públicas ou privadas, destinadas á mesma finalidade.

Xunto coa instancia persoal, os alumnos achegarán:

1. Unha copia do impreso de pago das taxas de matrícula do presente curso 2019/2020.
2. Unha copia do expediente académico coas súas cualificacións.
3. Fotocopia do DNI.
4. Documento oficial de recoñecemento legal da minusvalía, expedido polo órgano competente.
5. Unha fotocopia completa cotexada da declaración da renda das persoas físicas referida ao ano 2018. No caso de non presentar declaración de IRPF, deberá presentarse certificado negativo de renda emitido pola AEAT.
6. Breve descrición, en declaración xurada, das dificultades que presenta o estudante cara ao desenvolvemento da súa actividade académica, indicando a finalidade á que destinaría a bolsa.
7. Declaración xurada onde se indique se se perciben outras axudas, públicas ou privadas, destinadas á mesma finalidade.
8. Certificado do IBAN da conta bancaria onde o/a estudante desexa recibir o ingreso (o/a solicitante debe figurar como titular).
9. Cantos documentos estime conveniente a persoa solicitante e que acrediten a necesidade de acceso á bolsa.

DOTACIÓN ECONÓMICA E FINANCIAMENTO

A dotación económica total de cada bolsa é de 1.077 euros brutos. O financiamento farase con cargo á partida orzamentaria 0900090010 422D 480.00. Ao importe bruto seralle de aplicación o previsto no artigo 7 do Real Decreto legislativo 3/2004 de 5 de marzo, polo que se aproba o texto refundido da Lei do imposto sobre a renda das persoas físicas.

O importe da bolsa farase nun único pagamento que se fará efectivo neste exercicio económico na conta bancaria que sinala o/a estudante.

ÓRGANOS COMPETENTES

A selección realizaraa a Comisión sinalada no Anexo II.



OBRIGAS DAS PERSOAS SELECCIONADAS

As persoas seleccionadas estarán obrigadas a destinar a contía recibida á finalidade pola que se concede. A Vicerreitoría do Campus de Ferrol e Responsabilidade Social e a Unidade Universitaria de Atención á Diversidade (ADI) poderán comprobar os datos contidos na solicitude de bolsa e verificar o cumprimento da súa finalidade. A presentación da solicitude da bolsa implicará por parte da persoa interesada a autorización á Universidade da Coruña para requirir dos órganos ou administracións pertinentes aqueles datos ou comprobacións que se estimaren oportunas respecto ao cumprimento dos requisitos da convocatoria.

As persoas seleccionadas non adquiren ningunha relación laboral nin administrativa coa Universidade da Coruña.

RESOLUCIÓN DA CONVOCATORIA

Unha vez que remate o proceso de avaliación das solicitudes publicarase a relación provisional das solicitudes concedidas e denegadas, xunto coa causa que implica a súa denegación.

As persoas interesadas disporán dun prazo de 7 días hábiles para achegaren a documentación que permita emendar os erros apreciados.

Posteriormente publicaranse as relacións definitivas das solicitudes concedidas e denegadas así como a correspondente lista de agarda, de ser o caso.

Todas as listaxes publicaranse no taboleiro electrónico da UDC. Esta publicación, así como os sucesivos actos de procedemento de concesión cuxa publicación se determina nesta convocatoria, cumprirán cos efectos previstos nos artigos 45 da Lei 39/2015 do 1 de outubro de procedemento administrativo común das administracións públicas.

PROTECCIÓN DE DATOS

En cumprimento do artigo 13 do Regulamento (UE) 2016/679, do Parlamento Europeo e do Consello, de 27 de abril, relativo á protección das persoas físicas no que respecta ao tratamento de datos persoais e á libre circulación destes datos ("Regulamento Xeral de Protección de Datos" ou RXPd), e do artigo 11 da Lei Orgánica 3/2018, de 5 de decembro, de protección de datos persoais e garantía dos dereitos dixitais (LOPD), informamos que os datos que a persoa interesada facilite mediante a concorrencia a esta convocatoria, serán tratados baixo a responsabilidade da Universidade da Coruña (UDC), sendo os seus datos de contacto Rúa Maestranza 9, 15001, A Coruña, teléfono 981167000, correo electrónico secretariaxeral@udc.gal.



A solicitude dunha axuda para o alumnado con necesidades educativas especiais, implica a aceptación do contido da convocatoria e a autorización para que os seus datos persoais sexan utilizados pola Universidade e cedido ao Concello da Coruña para unha xestión máis eficiente, de acordo coa LOPD, coa finalidade da correcta xestión das bolsas. Todas as persoas que entren en contacto con estes datos coa citada finalidade cumprirán o deber de confidencialidade establecido no artigo 5 da Lei Orgánica 3/2018, de 5 de decembro, de Protección de Datos Persoais e Garantía dos Dereitos Dixitais (LOPD).

Mediante a concorrência a esta convocatoria, a persoa interesada consente expresamente na publicación dos seus datos na resolución da solicitude nos Taboleiros físicos da UDC e dentro do Taboleiro Oficial da Sede electrónica da UDC, na forma prevista na Disposición Adicional 7ª da Lei orgánica 3/2018, de protección de datos persoais. A resolución desta convocatoria permanecerá publicada en tales Taboleiros. Os datos persoais serán conservados mentres resulten necesarios para as finalidades do tratamento e, en todo caso, durante os prazos establecidos pola lexislación vixente, sen prexuízo do previsto en relación co exercicio do dereito de supresión e outros dereitos contemplados na Lei Orgánica de Protección de Datos Persoais.

A persoa interesada consente no tratamento dos datos aos efectos de cumprir coa finalidade descrita nesta convocatoria, e terá dereito a retirar o seu consentimento en calquera momento, sen efectos retroactivos. Ten dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a opoñerse ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos. Tales dereitos poderá exercelos mediante solicitude remitida á seguinte dirección: Secretaría Xeral, Reitoría da Universidade da Coruña, Rúa Maestranza 9, 15001 de A Coruña ou ao correo electrónico secretariaxeral@udc.gal, coa referencia "protección de datos", a través dun escrito firmado ao efecto achegando fotocopia do seu DNI. Igualmente poderá dirixir esta solicitude directamente ao Delegado de Protección de Datos, á mesma dirección postal anteriormente indicada, ou ao correo electrónico dpd@udc.gal. Asemade, vostede ten dereito a presentar unha reclamación ante a Axencia Española de Protección de Datos (AEPD).

A Coruña, 5 de setembro de 2019

O reitor

Julio E. Abalde Alonso



ANEXO I

SOLICITUDE DE BOLSAS PARA ESTUDANTES DA UNIVERSIDADE DA CORUÑA CON NECESIDADES EDUCATIVAS ESPECIAIS

CONVOCATORIA CURSO 2019-2020

NOME:

ENDEREZO DURANTE O CURSO:

POBOACIÓN:

CÓDIGO POSTAL:

TELÉFONO NA CORUÑA / FERROL OU FAMILIAR:

CORREO ELECTRÓNICO:

ALUMNO DA ESCOLA/FACULTADE:

TITULACIÓN:

A Coruña/Ferrol, de de 2019

Asdo.:

DOCUMENTACIÓN QUE SE ACHEGA

- ☐ COPIA DO IMPRESO DE PAGO DAS TAXAS DA MATRÍCULA
- ☐ COPIA DO EXPEDIENTE ACADÉMICO
- ☐ FOTOCOPIA DO DOCUMENTO NACIONAL DE IDENTIDADE
- ☐ DOCUMENTO OFICIAL DE RECOÑECIMENTO LEGAL DA MINUSVALÍA, EXPEDIDO POLO ÓRGANO COMPETENTE
- ☐ FOTOCOPIA COMPLETA COTEXADA DA DECLARACIÓN DA RENDA DAS PERSOAS FÍSICAS OU CERTIFICADO EMITIDO POLA AEAT (EXERCICIO 2018)
- ☐ DECLARACIÓN XURADA DAS DIFICULTADES QUE PRESENTA O ESTUDANTE INDICANDO A FINALIDADE Á QUE DESTINARÍA A BOLSA
- ☐ DECLARACIÓN XURADA ONDE SE INDIQUE SE SE PERCIBEN OUTRAS AXUDAS, PÚBLICAS OU PRIVADAS, PARA A MESMA FINALIDADE
- ☐ CERTIFICADO DA CONTA BANCARIA
- ☐ OUTROS DOCUMENTOS

SRA. VICERREITORA DO CAMPUS DE FERROL E RESPONSABILIDADE SOCIAL

COMPOSICIÓN COMISIÓN**VICERREITORAS****ARACELI TORRES MIÑO**

Vicerreitora do Campus de Ferrol e Responsabilidade Social

MARGARITA AMOR LÓPEZ

Vicerreitora de Estudantes, Participación e Extensión Universitaria

SECTOR ESTUDANTES**DANIEL ROMEO GUTIÉRREZ**

Escola Politécnica Superior

SECTOR PAS**SONIA MARÍA SEIJAS RAMOS**

Unidade de Atención á Diversidade

ROCÍO ARIAS VÁZQUEZ

Vicerreitoría do Campus de Ferrol e Responsabilidade Social